

陶

集

別

藏

華陽陶隱居集

支遁集

陶靖節詩註

離騷集傳

陸士衡文集

江蘇古籍出版社

支遁集

江蘇古籍出版社



四庫未收書提要

學經室外集卷二

支遁集二卷提要

晉釋支遁撰遁字道林姓關氏陳留人或云河東林慮人太原王濛甚重之案隋書經籍志云支遁集八卷注云梁十三卷唐書藝文志則作十卷宋志不著錄讀書敏求記及述古堂書目作二卷知缺佚多矣是編依毛扆汲古閣舊鈔本過錄上卷詩凡十八首下卷書銘及讚凡十五首錢遵王跋稱支公養馬愛其神駿胸中未必無事在皎然云山陰詩友喧四座佳句縱橫不廢禪云云晉代沙門多墨名而儒行若

支遁集目錄

卷上

詩

詠懷詩五首

述懷詩二首

土山會集詩三首并序

詠利城山居

詠禪思道人并序

四月八日讚佛詩

詠八日詩三首

五月長齋詩

詠大德詩

卷下

文

上皇帝書

座右銘

釋迦文佛像讚并序

阿彌陀佛像讚并序

諸菩薩讚十一首

目錄終

支遁集卷上

東晉沃州山沙門支道林

詩

詠懷詩五首

傲兀乘尸素日往復月旋弱喪困風波流浪逐
物遷中路高韻溢窈窕欽重元重元在何許採
真遊理間苟簡爲我養逍遙使我閑寥亮心神
瑩含虛映自然疊疊沉情去彩彩冲懷鮮踟躕
觀象物未始見牛全毛鱗有所貴所貴在忘筌

其二

端坐鄰孤影眇罔忘思劬偃蹇收神轡領略綜
名書涉老咍雙元披莊玩太初詠發清風集觸
思皆恬愉俯欣賞文蔚仰悲一匠徂蕭蕭柱下
迴寂寂蒙邑虛廓美千載事消液歸空無無矣
復何傷萬殊歸一塗道會貴冥想罔象掇元珠
悵快濁水際機忘映清渠反鑒歸澄漠容與含
道符心與理理密形與物物踈蕭索人事去獸
與神明居

其三

晞陽熙春圃悠緬歎時往感物思所託蕭條逸

韻上尚想天台峻髮髯巖階仰冷風灑蘭林管
瀨奏清聲霄崖育靈藹神疎含潤長丹沙映翠
瀨芳芝曜五爽苔苔重岫深寥寥石室朗中有
尋化士外身解世網抱樸鎮有心揮元拂無想
隗隗形崖頽罔罔神宇敞死轉元造化縹緲隣
人象願投若人蹤高步振策杖

其四

閑邪託靜室寂寥虛且真逸想流巖阿朦朧望
幽人慨美元風濟皎皎離染純昔無問道睡行
歌將何因靈溪無驚浪四岳無埃塵余將遊其

嶠解駕輟飛輪芳泉代甘醴山果兼時珍脩林
暢輕跡石宇庇微身崇虛習本照損無歸昔神
曖曖煩情故零零冲氣新近非域中客遠非世
外臣悵怕爲無德孤哉自有鄰

其五

坤基葩簡秀乾光流易穎神理速不疾道會無
陵騁超超分石人握元攬機領余生一何散分
不諮天挺沉無冥到韻變不揚蔚炳冉冉年往
逡悠悠化期永翹首希元津想登故未正生途
雖十三日已造死境願得無身道高棲冲默靖

述懷詩二首

翔鸞鳴崑嶠逸志騰冥虛惚恍迴靈翰自肩棲
南嶠濯足戲流瀾採練銜神蔬高吟瀨芳醴頽
頽登神枰蕭蕭猗明翩眇眇育清軀長想元運
夷傾首俟靈符河清誠可期戢翼令人劬

其二

鬚角登大道弱冠弄雙元遂口釋長羅高步尋
帝先妙損階元老忘懷浪濠川達觀無不可吹
累皆自然窮理增靈新昭昭神火傳熙怡安冲
漠優游樂靜閑膏腴無爽味婉孌非雅紉恢心

委形度疊疊隨化遷

土山會集詩三首并序

間與何驃騎期當爲合八關齋以十月二十二日集同意者在吳縣土山墓下三日清晨爲齋始道士白衣凡二十四人清和蕭穆莫不靜暢至四日朝衆賢各去余既樂野室之寂又有掘藥之懷遂便獨住於是乃揮手送歸有望路之想靜拱虛房悟外身之真登山采藥集巖水之娛遂援筆染翰以慰二三之情

其一

建意營法齋里仁契朋儔相與期良辰沐浴造
閑邱穆穆升堂賢皎皎清心修窈窕八闕客無
捷自綢繆宗默五習真亶亶勵心柔法鼓進三
勸激切訓清流悽愴願宏濟闔堂皆同舟明明
元表聖應此童蒙求存誠夾室裏三界讚清休
嘉祥歸宰相諒若慶雲浮

其二

三悔啓前朝雙轍暨中夕鳴禽戒朗旦備禮寢
元役蕭索庭賓離飄飄隨風適踟躕岐路隅揮
手謝內析軒軒馳中田習習陵電擊息心投佯

步零零振金策引領望征人
悵悵孤思積咄咄矣
形非我外物固已寂吟詠歸
虛房守貞玩幽蹟
雖非一往游且以閑自釋

其三

靖一潛蓬廬悵悵詠初九
廣漠排林篠流颺灑
隙牖從容遐相逸採藥登崇
昇崎嶇升千尋蕭
條臨萬畝望山樂榮松瞻澤
哀素柳鮮帶長陵
陂婆娑清川右冷風解煩懷
寒泉濯溫手寥寥
神氣錫欽若盤春藪達度冥
三才恍惚喪神偶
遊觀同隱邱愧無連化肘

詠利城山居一首

五岳盤神基四瀆涌蕩津動求目方智默守標
靜仁苟不宴出處託好有常因尋元存終古洞
徃想逸民玉潔其巖下金聲瀨沂濱捲筆藏紛
霧振褐拂埃塵跡從尺蠖屈道與騰龍伸峻無
單豹代分非首陽真長嘯歸林嶺蕭灑任陶鈞

咏禪思道人并序

孫長樂作道士坐禪之像并而讚之可謂因俯
對以寄誠心求參焉于衡梳圖巖林之絕勢想
伊人之在茲余精其制作美其嘉文不能默已

聊著詩一首以繼於左其辭曰

雲岑竦太荒落落英岳布廻壑佇蘭泉秀嶺攢
嘉樹蔚蒼微游禽崢嶸絕蹊路中有冲希子端
坐摹太素自強敏天行弱志慾無欲音削玉質陵
風霜淒淒厲清趣指心契寒松綢繆諒歲暮會
衷兩息間綿綿進禪務投一滅官知攝二由神
遇承蜩累危九累十亦凝注懸想元氣地研幾
草麓慮冥懷夷震驚怕然肆幽度曾餐攀六淨
空洞浪七住逝虛乘有來水爲有待馭

四月八日讚佛詩

三春迭云謝首夏含朱明祥祥今日泰朗朗元
夕清菩薩彩靈和眇然因化生四王應期來矯
掌承玉形飛天鼓弱羅騰擢散芝英綠瀾顏龍
首標蓋翳流冷芙蓉育神葩傾柯獻朝榮芳津
霧四境甘露凝玉瓶珍祥盈四八元黃曜紫庭
感降非情想恬泊無所營元根泯靈俯神條秀
形名圓光朗東旦金姿艷春精令和摠八音吐
納流芬馨跡隨因溜浪心與太虛冥六度啟窮
俗八解濯世纓慧澤融無外空同忘化情

詠八日詩三首

大塊揮冥樞昭昭兩儀映萬品誕遊華澄清凝
元聖釋迦乘虛會圓神秀機正交養衛恬和靈
知溜性命動爲務下尸宗爲無中鏡

其二

真人播神化流渟良有因龍潛堯術邑漂景閭
浮濱佇駕三春謝飛轡朱明旬八維披重藹九
霄落芳津元祇獻萬舞般遮奏伶倫渟白凝神
宇蘭泉渙色身投步三才泰揚聲五道泯不爲
故爲貴忘竒故竒神

其三